

Sr. Alfonso Boekhoudt a huramenta dilanti Gobernador!

ORANJESTAD- Diahuebs den oranan di mainta sr. Alfonso Boekhoudt a huramenta como e siguiente Minister Plenipotenciario na Den Haag, Hulanda. Tabata un ceremonia modesto na unda banda di sr. Alfonso Boekhoudt, Ministernan di Gabinete Mike Eman tabata presente. Na luna di december sr. Boekhoudt ta biaha pa Hulanda pa asumi su responsabilidad.

Prome Minister Eman tabata masha satisfecho cu cosnan a bay asina lihe. “Na momento

cu mi a anuncia su postula-



cion caba y su presentacion na Gobernador di Aruba, nos a expresa nos satisfaccion cu den e buskeda di un Minister Plenipotenciario nos a haya

un persona cu tin tur e cualificacionnan necesario, tanto pa locual ta trata e aspectonan diplomatico como tambe e aspectonan economico cu mester wordo atendi na Den Haag”. Eman a splica cu Aruba ta riba rumbo di construccion di e di tres pilar economico cu ta grandemente basa riba atraccion for di Europa y Hulanda, empresa y institutonan cu mester bin establece nan mes na Aruba manera TNO y Rietveld Academie a haci caba. Aspectonan social di e comu-

nidad Arubano na Hulanda tambe mester haya atencion di Arubahuis. Studiantenan y personanan cu mester bay Hulanda pa haya cuida medico ta cay bou responsabilidad di Arubahuis y mester wordo atendi den e miho forma ora esaki ta rekeri. “Nos ta sigur cu Alfonso Boekhoudt por maneha tur e retonan aki. Como director di APA el a recoge durante añanan e experiencia grandi cu mester pa por maneha institutonan, di tin relacionnan riba e nivelnan di mas halto y como di-

rector di Rode Kruis na Aruba el a duna muestra di e aspecto social humanitario cu pa nos gobierno ta hopi importante. E ta un servicio cu bo ta duna cu cerebro, consenshi y curason. Den sr. Boekhoudt nos a haya un persona cu e tres elementonan importante ey.”, Eman a bisa.

Prome Minister Eman un bi-aha mas a gradici Boekhoudt pa a acepta e reto grandi aki. El a subraya cu e ta convenci cu Alfonso Boekhoudt ta bay haci un tremendo trabou na Hulanda. □